

ԱՄՆ ԵԿԵՂԵՑԻՆԵՐԻ ԱԶԳԱՅԻՆ ԽՈՐՀՐԴԻ ԵՎ ԿԱԹՈՒԿ ԵՊԻՍԿՈՊՈՍՆԵՐԻ ԿՈՆՖԵՐԱՆՍԻ ՆԵՐԿԱՅԱՅՈՒՑԻՉՆԵՐԸ ՄԱՅՐ ԱԹՈՈՒ Ս. ԷԶՄԻԱԾՆՈՒՄ

2002 թ. օգոստոսի 22-ից 25-ը, որպես ուխտավորներ, եռօրյա այցով Հայաստան՝ Մայր Աթոռ Ս. Էջմիածին էին ժամանել ԱՄՆ Եկեղեցիների Ազգային Խորհրդի և Կաթոլիկ Եպիսկոպոսների Կոնֆերանսի ներկայացուցիչները: Խումբը բաղկացած էր Խորհրդի անդամ Հայ Առաքելական, Լյութերական, Եպիսկոպոսական, ինչպես նաև Հռոմեական Կաթոլիկ Եկեղեցիների ներկայացուցիչներից, որոնց թվում էր և ԱՄՆ Եկեղեցիների Ազգային Խորհրդի գլխավոր քարտուղար դր. Ռոբերտ Հոգարը: Ուխտագնացությունն անմիջականորեն կազմակերպել էր Հայ Առաքելական Եկեղեցու ԱՄՆ Արևելյան թեմի ներկայացուցիչ և Էկումենիկ գրասենյակի տնօրեն Գերաշնորհ Տ. Վիգեն եպիսկոպոս Այբազյանը: Մտորև ներկայացնում ենք պարզիրականության անդամներին*.

Դր. Ռոբերտ Հոգար, ԱՄՆ Քրիստոսի Եկեղեցիների Ազգային Խորհրդի գլխավոր քարտուղար՝ Նյու Յորք,

Հայր դր. Լոուել Ալմեն, ԱՄՆ Ավետարանական-Լյութերական Եկեղեցու քարտուղար և Եպիսկոպոսների Կոնֆերանսի անդամ՝ Չիկագո,

Գերապայծառ Տեր Մանվել եպիսկոպոս Բաբակյան, ԱՄՆ Հայ Կաթոլիկ Եկեղեցու Առաքելական տեղապահ՝ Նյու Յորք,

Քրիստոֆեր եպիսկոպոս Էպթինգ, ԱՄՆ Եպիսկոպոսական Եկեղեցու Էկումենիկ քարտուղար՝ Նյու Յորք,

Հայր Ռոնալդ Ռոբերտոն, ԱՄՆ Կաթոլիկ Եպիսկոպոսների Կոնֆերանսի Էկումենիկ և Միջկրոնական Գործերի Քարտուղարության փոխտնօրեն՝ Վաշինգտոն,

Տիար Գևորգ Թորոյան, Հայ Առաքելական Եկեղեցու ԱՄՆ Արևելյան թեմի Ներկայացուցիչների Խորհրդի նախագահ՝ Նյու Յորք:

Մայր Աթոռում հյուրերին ուղեկցում էին Մայր Աթոռ Ս. Էջմիածնի Միջեկեղեցական հարաբերությունների բաժնի պարասխանաբար Գերաշնորհ Տ. Եզնիկ եպիսկոպոս Պետրոսյանը, նույն բաժնի գրասենյակի վարիչ Հոգեշնորհ Տ. Թադևոս Վարդապետ Զիրենյանցը, ինչպես նաև բաժնի մյուս աշխատակիցներն ու Մայր Աթոռի հյուրընկալ Հոգեշնորհ Տ. Գնել արեղա Սողոմոնյանը:

* Պատվիրակության անդամ էր նաև Բալթիմորի Արքեպիսկոպոս, Կարդինալ Վիլյամ Կելերը, որը հիվանդության պատճառով չկարողացավ միանալ ուխտավորներին:

Հագեցած ծրագրով եռօրյա այցելությունների ընթացքում պարվիրակության անդամները օգոստոսի 24-ին հանդիպեցին Ամենայն Հայոց Կաթողիկոս և Ճայրազույն Պատրիարք Ն. Ս. Օ. Տ. Տ. Գարեգին Բ Վեհափառ Հայրապետի հետ: Այս հանդիպմանը, որն իր բնույթով ավելի ճանաչողական և ներկայանալի էր, մասնակցում էին Մայր Աթոռի Միջեկեղեցական հարաբերությունների բաժնի պատասխանատու Գերաշնորհ Տ. Եզնիկ եպս. Պետրոսյանը, Շիրակի թեմի առաջնորդ Գերաշնորհ Տ. Միքայել եպս. Աջապահյանը և ԵՊՀ Հայաստանի «Կոռ Մեղան»-ի կոորդինատոր դր. Կարեն Նազարյանը: Նորին Սրբությունը ողջունեց խորհրդի անդամների ներկայությունը Մայր Աթոռ Ս. Էջմիածնում՝ կարևորելով խորհրդի դերը ԱՄՆ-ի հասարակության կրոնական կյանքում: Վեհափառ Հայրապետը հանգամանալից կերպով ներկայացրեց Հայ Եկեղեցու պարմությունը և Մայր Աթոռի 1700-ամյա առաքելությունը հայ ժողովրդի կյանքից ներս:

Օգոստոսի 25-ին ուխտավորներն Էջմիածնի Մայր Տաճարում մասնակցեցին Պատրարգի սրբազան արարողությանն ու Գարեգին Ա Ամենայն Հայոց երջանկահիշարակ Կաթողիկոսի ծննդյան 70-ամյակի առիթով լուսահոգի Հայրապետի շիրմի առջև մատուցված հոգեհանգստյան պաշտոնին: Քարոզի ընթացքում օրվա պատրարգից Գերաշնորհ Տ. Եզնիկ եպս. Պետրոսյանը Գարեգին Բ Վեհափառ Հայրապետի անունից ողջունեց ներկաներին (տե՛ս էջ 79), որոնց անունից Մայր Տաճարի Խորանից պատասխան խոսքով հանդես եկավ Քրիստոֆեր Էմթինգ եպիսկոպոսը:

«Ձերդ Սրբություն,

Հանուն մեր պատվիրակության անդամների, թույլ տվեք շնորհակալություն հայտնել ողջույնի Ձեր ջերմ խոսքերի համար: Ճշմարտապես մեզ համար մեծ պատիվ է լինել Ձեզ հետ Ս. Էջմիածնի Մայր Տաճարում, Ս. Գրիգոր Լուսավորչի կողմից կառուցված և Ձեր Սուրբ Հայ Եկեղեցու հավատացյալ անդամների ջերմագին աղոթքներով և Սուրբ Պատրարգի անհամար արարողություններով 1700 տարի սրբացած այս ամենասուրբ վայրում:

Մենք եկել ենք Սուրբ Էջմիածին որպես ուխտավորներ հեռավոր մի երկրից: Մենք եկել ենք այստեղ լսելու աթեիստական իշխանության 70-ամյա դաժան հալածանքներից հետո ձեր Եկեղեցու ապաքինման մասին և այն բազում կարիքների, որ ձեր Եկեղեցին դեռ ունի: Բայց մենք այստեղ ենք եկել մահ հարգանքի տուրք մատուցելու դարերի ընթացքում Քրիստոսի Ավետարանին հայ ժողովրդի մատուցած անխնայ վկայության համար: Որպես առաջին քրիստոնյա ժողովուրդ, Հայաստանն ամբողջ աշխարհում քրիստոնյաների համար հավետ կմնա որպես փարոս, որպես օրինակ անկյուն հավատարմության բազում փորձությունների դեմ հանդիման, որոնց

մասին շատ քրիստոնյաներ անգամ չեն կարող պատկերացնել:

Եվ հետևաբար, Չերոյ Սրբություն, մենք այստեղ ենք եկել խոնարհությամբ, պատրաստ լսելու և բաց սրտով, պատրաստ սովորելու ձեզանից և ուսանելու ձեր Եկեղեցու իմաստությունը: Որպես Ամերիկայի քրիստոնյաներ և մի երկրի, որը շատ տարբեր է ձեր [երկրից]՝ ավելի կարճ պատմությամբ, քիչ ենթարկված տառապանքների, սակայն իր ուրույն պատմությամբ, պայքարով և տեսիլքներով, մենք նույնպես հույս ունենք ձեզ հետ կիսելու մեր փորձառությունը: Այս ձևով մենք հույս ունենք արտահայտելու այն եղբայրական կապերը, որ մենք զգում ենք այսքան խորը քրիստոնյա ազգի հետ:

Անցած երկու օրերին մենք արդեն տեսանք քրիստոնեական հավատքի շարունակական բաբախումները, որը երկար դարեր սնել է ձեր ժողովրդին: Արդեն մենք զգացել ենք նրանց հյուրընկալության ջերմությունը և տեսել ենք մի քանի պատմական հուշարձաններ, որոնք միաձուլված են ձեր գեղեցիկ երկրի բնապատկերին: Մենք պատրաստ ենք ավելին ուսանելու և այցելելու ձեր և քույր Եկեղեցիների այլ հաստատություններ:

Չերոյ Սրբություն, որպես եզրափակում, մենք ցանկանում ենք մեր կողմից կրկնել այն խոսքերը, որ Հովհաննես-Պողոս Երկրորդ Պապն ասաց անցած սեպտեմբերին Հայաստան կատարած իր այցելության ավարտին՝ հրաժեշտի արարողության ժամանակ. «Թող Սուրբ Գրիգոր Լուսավորիչը և հայ սրբերի ու մարտիրոսների մեծ համաստեղությունը պահպանի ձեզ այժմ և ապագայում, և թող Քրիստոսի Մայրն ու Նոր Ուխտի տապանակը առաջնորդեն հայերին դեպի խաղաղություն, որն ընկած է Ջրհեղեղից այն կողմ, Աստծո խաղաղությունը, որն ամպերի մեջ իր ծիածանն է կապել որպես հավերժական սիրո նշան» (տե՛ս Ծմնդ. Թ՝ 13):

Նյուրերն այցելեցին նաև Խոր Վիրապի, Ս. Գայանե, Ս. Հռիփսիմե ու Սևանա վանքերը, եղան Բյուրականում, Ամբերդում, Հայաստանում գործող Ավետարանչական Եկեղեցում, ինչպես նաև Հայոց մեծ եղեռնի զոհերի հուշահամալիրում՝ Ծիծեռնակաբերդում:

Ծիծեռնակաբերդ կապարած այցելության մասին հյուրերը գրեցին. «Իր պարզության մեջ հուշարձանն ամբողջովին հայ ժողովրդի մեծ վերքի և ապագայում նմանօրինակ սարսափազդու դեպքերից խուսափելու համար համարել գործունեության անհրաժեշտության գորավոր հիշարակն է»:

Կիսելով իրենց փափվորությունները, պարվիրակության անդամներն արտահայտեցին իրենց գնահատանքը Եկեղեցու վերագարթոնքի կապակցությամբ, որը փաստամյակներ շարունակ գրնվել է աթեիստական և համայնավարական իշխանության ներքո. «Չնայած ակնհայտ է, որ դեռ կարիքները շատ են, և Եկեղեցու

ամբողջական վերանորոգումը բազում փարիններ կպահանջի, բայց արդեն նշաններ կան, որ գործընթացն սկսված է»:

Քննարկումների ժամանակ պարզվեց, որ նաև խոսեցին Ամերիկյան Եկեղեցիների ջանքերի մասին՝ օգնելու Երուսաղեմի Հայոց Պատրիարքարանի կալվածքների խնդրի լուծմանը: Նրանք իրենց գոհունակությունը հայտնեցին, որ Իսրայելի կառավարությունը պարտավորված է եղել կանգնել խորայնացիներին և պաղեստինցիներին միմյանցից բաժանող պարի շինարարության միջոցով հայկական կալվածքը բաժանելու մտադրությունից, և անհամբեր սպասում են հիմնախնդրի լուծմանը: Հարկ է ավելացնել նաև, որ արձագանքելով Վեհափառ Հայրապետի՝ Եկեղեցիների պետերին և Էկումենիկ կազմակերպություններին ուղղված նամակին, նրանք իրենց բողոքի ձայնն էին բարձրացրել՝ նամակով դիմելով Իսրայելի Վարչապետ Արիել Շարոնին:

Ստորև բերում ենք նամակի թարգմանությունն ամբողջությամբ.

«ՎԱՐՉԱՊԵՏ ԱՐԻԵԼ ՇԱՐՈՆԻՆ

Հուլիս 31, 2002 թ.

Հարգելի Պարոն Վարչապետ,

ԱՄՆ-ում Քրիստոսի Եկեղեցիների Ազգային Խորհրդի անունից, որի հետ իրենց հարանվանությունների միջոցով հարաբերվում են ավելի քան 50 միլիոն ամերիկացիներ, ես ողջունում եմ Ձեզ՝ ներկայացնելով մի հրապրապ խնդրանք:


Ահագանգի զգացումով ես գրում եմ հայցելով ձեր աջակցությունը, լուծում գտնելու այն իրավիճակին, երբ Իսրայելի կառավարության վերջին գործողությունների պարճառով վրանգված են Հայ Ուղղափառ Եկեղեցու իրավունքները*: Ես նկատի ունեմ Բեթղեհեմի հյուսիսային արվարձանում Հայ Եկեղեցու սրբազան կալվածքի բռնագրավումը, որը 1641 թվականից եղել է Հայ Եկեղեցու սեփականությունը:

Մենք հասկանում ենք, որ «Պարոն Տեր» անունով հայրնի կալվածքն ընդգրկում է Հայ Առաքելական Եկեղեցու վարչական, ուսումնական և կրոնական առանձնացման կենտրոնը, եկամուտ ապահովող ձիթապտղի պուրակը: Այն հնագիտական և աշխարհով մեկ սփռված հայերի համար պարմական և հոգևոր կարևորության մի վայր է: «Պարոն Տեր»-ի վրանգված կալվածքներում են և այն ձիթենիները, որոնցից մի քանիսն ունեն 500 փարվա հնություն: Համաձայն ավանդական կարգի, դրանցից ստացված ձեթն օգտագործում են Երուսաղեմում՝ Ս. Մեսոպյա եկեղեցում, Քրիստոսի ավանդական գերեզմանի վրա, և Բեթղեհե-

* Հայ Առաքելական Եկեղեցին Էկումենիկ շրջանակներում շար հաճախ կոչվում է Ուղղափառ, (Orthodox), որպես Հին Արևելյան Ուղղափառ Եկեղեցիների (Oriental Orthodox Church) ընդհանրիկ անդամ (Հովակիմ աբեղա Մանուկյան):



ՄԻՈՒՆԻՍՏԵՐՆԻ ՀԱՅԿԱՅԻՆ ԿԱՏՈՐՆԵՐԻ ԲԱՐՈՒՆԴՆԵՐԸ





Նորիս տրամաբանական մեթոդները օգտագործելու համար հարկավոր է ընտրել համարներ, որոնց համարները համարներ են:

մում՝ Ս. Ծննդյան եկեղեցում, որը պաշտվում է, որպես Քրիստոսի ծննդյան վայր, կանթեղները վառելիս:

Որպես Միացյալ Նահանգների մի ազգային էկումենիկ մարմին՝ բաղկացած 36 Ուղղափառ և Բողոքական հաղորդություններից, ներառյալ Ամերիկայում Հայ Եկեղեցու մեր քույրերն ու եղբայրները, մենք պարտավորված ենք զգում ձայն բարձրացնելու սուրբ վայրերը մասնադիմելու և, կալվածքը կիսող միջնապար կառուցելով, այն ոչնչացնելու ծրագրերի մասին զեկույցների առնչությամբ: Որպես արդյունք, Պապրիարքարանը կարող է կորցնել այս սրբազան ու պարամակա-նորեն կարևոր կալվածքը, ինչպես նաև դրա տված եկամուտը՝ մեկ այլ հարված փոքրամասնություն կազմող քրիստոնեական համայնքին, որն արդեն մեծապես ճնշվել է: Մենք երկյուղ ունենք, որ այս բռնությունները ոչ մի լավ բան չեն գու-շակում նաև Իսրայելում ապրող կրոնական այլ փոքրամասնությունների համար:

Ավելին, մենք տեսնում ենք, որ «Պարոն Տեր» կալվածքների բռնագրավումը տեղի է ունենում՝ չնայած Պապրիարքարանի շարունակական ջանքերին՝ կանխե-լու կալվածքի մասնադիմելը և լուծելու խնդիրը երկկողմանի փոխընդունելի եղանակով: Մենք համեստորեն խնդրում ենք Ձեզ՝ Ձեր իշխանությամբ նպաս-տելու խնդրի լուծմանը մի ճանապարհով, որ կհետապնդի սուրբ վայրի վերադար-ձը իր իսկական տերերին և կերաշխավորի Իսրայելում ապրող հայ և այլ կրո-նական փոքրամասնությունների անվտանգությունը:

Այս խնդրանքի հետ միասին վստահեցնում ենք, որ Ձեր և աշխարհի այլ առաջ-նորդների, Մերձավոր Արևելքում խաղաղության համար մեր հաղորդությունների անդամ 144000 համայնքերում կանոնավոր աղոթքներ են մատուցվում: Թող Աստ-ված առաջնորդի և օրհնի Ձեզ այս դժվար օրերին:


Անկեղծությամբ՝

ՌՈՐԵՐՏ Վ. ԷԴԳԱՐ

Գլխավոր քարտուղար

Նամակն առաքվել է նաև Նախագահ Զորջ Երկրորդ Բուշին, քարտուղար Քո-լին Փաուելին, Ամենապապիվ Ս. Թորգոմ արքեպս. Մանուկյան Պապրիարքին, Խաժակ արքեպս. Պարսամյանին, պր. Զիմ Թովեյին»:

Պապվիրակությանը ուղեկցող Ս. Վիգեն եպս. Այբազյանը հայտարարեց, որ «ամերիկացի այցելուներն ուրախությամբ են նշում, որ Հայ Առաքելական Եկեղեցին կրկին գրավում է իր արժանի տեղը աշխարհի քրիստոնեական Եկեղե-ցիների շարքում: Հնագույն հայկական ավանդությունը, ճնշված փասնամայակներ տեսած հալածանքներից, հարուստ է և բազմազան, որը մեծ պարզե է աշխարհի քրիստոնեական Եկեղեցիների համար»: «Պապվիրակության անդամները մեծ



հույսեր ունեն, որ փորձառու աստվածաբանների մասնագիտացման միջոցով Հայ Եկեղեցու ներդրումը մեծապես կգնահատվի և կարժեկորվի ամբողջ քրիստոնյա աշխարհում», - ավելացրեց Սրբազան Հայրը:

Հրաժեշտից առաջ պարվիրականության անդամները խնդրեցին փոխանցել իրենց ջերմ եղբայրական ողջույնները Հայաստանի իրենց քրիստոնյա եղբայր-ներին ու քույրերին՝ նշելով, որ այս ուխտագնացությունը ուժեղացրեց իրենց համոզմունքը, որ «Հայաստանում Հոգին կենդանի է և ամուր: Թեև աշխարհագրական առումով ձեր երկիրը շրջապարված է ցամաքով և ծովային ելք ու հաղորդակցություն չունի, բայց անկասկած Հոգին վերացնում է բոլոր այն արգելքները, որ բաժանում են մեզ, և սրբեղծում է մի կապվածություն, որը երբեք չի մոռացվում»:

ՆՈՎԱԿԻՄ ԱԲՂ. ՄԱՆՈՒԿՅԱՆ

Մայր Աթոռ Ս. Էջմիածնի
Միջեկեղեցական հարաբերությունների բաժին